

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Kush ishte Flora Brovina? Gruaja që e ktheu dhimbjen në poezi, mjekësi dhe qëndresë
ADRESA	https://www.gazetatema.net/kulture/kush-ishte-flora-brovina-gruaja-qe-e-ktheu-dhimbjen-n-e-poezi-mjekesi-dhe-i586221
BURIMI	gazetatema.net
GJENDJA	online

KOHA


KAPUR NGA NE	15 shtator 2026, 10:18:26 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	15 shtator 2026, 10:16:00 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	d015b0978306a3fed153b04759a1fe249bc1a1a220941326228150efed410f4a
TEKSTI	bbbfceebe6724e21599c586110b02ce62fea9e35a0083b93b31f29a827a8cfc
PAMJA	965f537cd3bbfdec5bfa8a629e9765fa989588d400cfe5a14bda47c9c7dec67e

ZINXHIRI I PROVËS

KJO HYRJE	d0afcd137d1a1a4ff15ecbcc371a356eab7117180bef1e711d97993f9166784f
E MËPARSHMJA	—
RRËNJA MERKLE	0ae22dd21f6bca70f134e59ae1dafa22b8b5d83b679efc36f84697e742e9fc20
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/d0afcd137d1a1a4ff15ecbcc371a356eab7117180bef1e711d97993f9166784f>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px



- [Politika](#)
- [Sociale](#)
- [Kronika](#)
- [Ekonomia](#)
- [Editorial](#)
- [Antena](#)
- [Blog](#)
- [Rajoni](#)
- [Bota](#)
- [Kulturë](#)
- [Sport](#)
- [Lifestyle](#)

English

Built and Monetized by [Kontakt](#)



English



ie [Kush ishte Flora Brovina? Gruaja qe e ktheu dhimbjen ne poezi, mjekesi dhe qendrese](#) [Ngerci politik ne Kosove, SHBA e pakenaqur. Po pengon axhenden e perbashket](#) [M fundit](#)

Kush ishte Flora Brovina? Gruaja që e ktheu dhimbjen në poezi, mjekësi dhe qëndresë



15 Shtator 2026, 12:16Kulturë TEMA



Ajo tregonte se gazetaria e kishte nxitur të interesohej për fusha të ndryshme të jetës dhe ta njihje Kosovën nëpërmjet punës në terren.

Që në fëmijëri, Brovina ishte e lidhur fort me librin. Për shkak të një fëmijërie të vështirë dhe natyrës së saj të mbyllur, ajo e gjeti te letërsia një mënyrë komunikimi.

Dashuria për librin u kthye më vonë në poezi dhe në shkrime letrare. Në shkollën fillore, mësuesja e saj, Lirie Tanefi nga Elbasani, ishte ndër personat që e frymëzuan për të shkruar. Brovina më pas udhëhoqi edhe grupin letrar në shkollë.

Një nga figurat më të rëndësishme në jetën e Brovinës ishte gjyshja e saj, të cilën ajo e konsideronte modelin e parë të saj për barazinë gjinore dhe qëndresën.

Gjyshja, e lindur në vitin 1900, kishte përjetuar burgosje, luftë dhe humbje. Ajo kishte qenë aktive në veprimtaritë e grave të Gjakovës gjatë periudhës së Luftës së Dytë Botërore dhe ishte përfshirë në protesta kundër burgosjeve, në mobilizim dhe në aktivitete të tjera të kohës.

Brovina e kujtonte veçanërisht një këshillë të gjyshes: “Të ecësh kryelartë, për mikun dhe armikun.”

Përvojat e gjyshes ndikuan edhe në mënyrën se si Brovina e shihte luftën. Ajo nuk e shihte konfliktin vetëm përmes ndarjes “mik-armik”, por përmes dhimbjes njerëzore që lufta ua shkakton të gjithëve.

Nga ana tjetër, Brovina studimet e mjekësisë i nisi në Beograd dhe i përfundoi në Prishtinë. Fillimisht kishte menduar edhe për stomatologjinë, ndërsa mjekësinë e kishte zgjedhur edhe për shkak të dëshirës së nënës së saj.

Përfundimisht u specializua në pediatri dhe iu përkushtua kujdesit për fëmijët.

Përvoja e saj personale, profesioni i mjekes, letërsia dhe gazetaria u ndërthurën në një jetë të karakterizuar nga angazhimi shoqëror.

Gjatë luftës në Kosovë, ajo u angazhua në ofrimin e ndihmës mjekësore dhe kujdesit për fëmijët, ndërsa pas përfundimit të luftës u bë një nga figurat e njohura publike të Kosovës.

Historia e Flora Brovinës është historia e një gruaje që u rrit në një familje të goditur nga burgosjet politike, por që e shndërroi atë përvojë në forcë.

Ajo e ndërtoi jetën mes librave, mjekësisë dhe gazetarisë, ndërsa figura e gjyshes mbeti një pikë referimi për mënyrën se si e kuptonte lirinë, dinjitetin dhe barazinë e gruas.

Më 20 prill 1999, gjatë Luftës së Kosovës, Flora Brovina u rrëmbye nga shtëpia ku po qëndronte. Sipas dëshmive, tetë persona të maskuar, pjesëtarë të forcave paramilitare serbe, e morën me vete dhe e dërguan me makinë në një destinacion të panjohur.

Lajmi për rrëmbimin e saj u bë publik më 24 prill 1999, kur djali i saj arriti të kontaktonte organizatën ndërkombëtare të shkrimtarëve PEN, duke kërkuar që rasti i saj të bëhej i njohur në mbarë botën.

Brovina u transferua më pas në një burg serb në Pozharevc. Gjatë muajit të parë të paraburgimit, ajo iu nënshtrua më shumë se 200 orë marrjeje në pyetje, në 18 seanca të veçanta. Seancat zakonisht zhvilloheshin nga ora 07:00 deri në 17:00.

Më 9 dhjetor 1999, në një proces gjyqësor të zhvilluar në Serbi, Brovina u akuzua për “veprimtari terroriste”, në bazë të nenit 136 të Kodit Penal të Jugosllavisë. Ajo u dënua me 12 vjet burgim.

Në qershor të vitit 2000, Gjykata Supreme e Serbisë e anuloi vendimin dhe urdhëroi zhvillimin e një gjykimi të ri.

Pas presionit të madh ndërkombëtar, Flora Brovina u lirua nga burgu në tetor të vitit 2001.

Rasti i saj u bë një nga shembujt më të njohur të persekutimit të shqiptarëve të Kosovës gjatë dhe pas luftës, ndërsa figura e saj mbeti e lidhur me mjekësinë, poezinë, mbrojtjen e fëmijëve dhe angazhimin për të drejtat e njeriut.

Flora Brovina u bë anëtare e Këshillit Drejtues të Partisë Demokratike në Kosovë (PDK) në qershor 2002.

Ajo ishte edhe deputete e Kuvendit të Kosovës.

Flora Brovina vdiq më 15 shtator 2026, në moshën 76-vjeçare. /[Klankosova.tv](#)

Lini një Përgjigje

Koment *

Emër *

POSTOJE KOMENTIN

Ka vdekur Flora Brovina, shkrimtarja dhe ish deputetja e Republikës së Kosovës

11:51 Kulturë

[VIDEO+FOTO/ Dy shtete nuk ishin në luftë, por kufiri u bë front lufte për njeriun](#)

11:31 Kulturë

[Nisi në Tiranë konferenca e bioteknologjisë "From Lab to Forest and Orchard – The Final CopyTree Conference"](#)

10:53 Kulturë



Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.